

# PLAN: Glover's Corner

Preserve. Enhance. Grow.

## PLAN: GLOVER'S CORNER PAMÓDI?



### Goals of the Process

- Involve tudu parti interesadu nun prusésu abértru y informadu pa dizenvolve un planu
- Avalia kondisons spisífiku di ária ki dja izisti
- Kria un strutura apropiadu pa dizenvolvimentu
- PREZERVA zóna: ambienti konstruídu y pesoas
- MIDJORA, rinova, y rastora
- KRESE atravês di dizenvolvimentu imobiliáriu apropiadu, apoiadu pa nówus spasu abértru, transpórti, y infrastrutura di rizisténsia a klima

### Vision Statements

#### Midjora y prezerva karakterísticas ki dja izisti na zóna:

- Orientasons di dizenvolvimentu imobiliáriu pa distritu ki ta garanti ma ta ten kes bens públiku ki partis interesadu di zóna ta kre (inkluindu, más impurtanti di tudu, moradias na bon présu)
- Stabelese un armadura di nówus spasu abértru y infrastrutura di transpórti pa sirbi ária di Glover's Corner
- Midida di rizisténsia a klima
- Un mudélu pa kordena programas di setor público pa molda kresimentu ekuitativu y inkluzivu

#### Stabelese un distritu sentradu na pesoas na ária industrial atual, através di:


- Kriason y prezervason di moradias na bon présu pa agregadus familiar (kazas di família) ku un variedadi di nível di rendimentu
- Stabelesimentu di un zóna rizistenti a klima ku spasus abértru di kualidadi
- Prezervason y kresimentu di inprégus (trabadju) di kualidadi
- Opsons midjoradu di transpórti público y ligasons dentu di zóna através di un nówu redi di ruas, paseius, y parkis

# Uzu di Terenu y Karakterístikas

## OVERVIEW


### Kontestu

Árias industrial di Ária di Studu di PLAN: Glover's Corner nes mumentu tene prédius komersial di baxu skala y parkis di stasionamentu ki kada bês más sa ta infrenta preson di dizenvolvimentu imobiliáriu. Kes mésmu kondison di merkadu li sa ta ten inpaktu na merkadu di abitason ki dja izisti, y ta aumenta kustu di moradias.




### Prusésu

Partisipantis manifesta dizeju di odja novitàs moradia (ku ristrison di rendimento y na présu di merkadu) y oportunidadis di trabadju na ária, má tanbe es kre pa prezerva árias rezidensial y árias di inprézas lokal ki dja izisti, através di dizenvolvimentu imobiliáriu sen mudansa forsadu.



PLAN: Glover's Corner Land Use

- Housing
- Cultural & Civic
- Shopping & Commercial
- Open Space
- Housing, Shopping & Commercial
- Preserved Area
- Commercial & Industrial



# Uzu di Terenu y Karakterístikas REKUMENDASONS

## 1 Prezerva karakterísticas di árias rezidencial ki dja izisti

Dentu di árias rezidencial ki dja izisti, dizenvolvimentu imobiliáriu di skala pikinóti ki ta inklui pruveitamento di árias ki ka sta okupadu debe koresponde a uzus y a skala ki dja izisti.

Kes parti di novitàs dizenvolvimentu imobiliáriu grandi ki sta lógu pértu di zonas nau-industrial ki dja izisti debe ser sensível a karakterísticas ki kes zóna la dja ten, y aprosimamente di kes dimenson y karakterística ki dja sta la.

## 2 Prezerva y midjora karakterísticas di Dorchester Avenue

Na Dorchester Avenue, uzus di rés-di-xon debe ativa rua. Nónus dizenvolvimentu imobiliáriu debe ser sensível a karakterísticas y uzus ki dja izisti la: spasus komersial na rés-di-xon debe disenhadu di un manera ki ta satisfaze nisisidadis di spasu di inprézas pikinóti lokal ki ta sirbi kumunidadi di la mê.

Pizus diriba pode oferece spasus komersial adisional ô uzu rezidencial, ki ka pode pasa 70 pê (21 métru). Lenane Building é un izéplu isilenti di kel skala di konstruson y mistura di uzus.

## 3 Prédius más baxu pértu di zonas rezidencial ki dja izisti; prédius más alto más lonji di Dorchester Avenue.

Impactus vizual di prédius más alto debe ser sukundido di zóna ki dja izisti.

Mistura di uzus na futuru ta ben dipende di kondisons di merkadu na futuru. Kel planu li ta sirbi komu un strutura pa garantir ma dizenvolvimentu imobiliáriu na futuru ta ten skala apropiadu, ta ser rizistenti a klima, y ta inklui moradias ku ristrison di rendimento, spasus komersial na bon présu, spasus abérta, y infrastruturas di transpórti.

## 4 Kria un nóvu redi di ruas y spasus abérta pa liga zóna

Orientasóns di disenhu urbanu di planu ta inklui 50% di kubertura di lótis pa oferece terenus adekuadu pa midjora spasu público y spasus abérta. Nóvu dizenvolvimentu imobiliáriu ten ki kontribui pa kriason di un redi kordenadu di novitàs ruas y spasus abérta.




Use zone shading over a depiction of one possible long term buildout.

# Mobilidadi & Konektividadi

## OVERVIEW

### Kontestu

Txeu di kes kruzamentu inpurtanti ta kauza konjestionamentu di tránsitu; disloka pê na txon, na bisikléta, na otokaru y na karu é un dizafiu. Un eransa di kel litoral (kósta) stóriku, kel ária entri direitu di pasaji di MBTA, Dorchester Avenue, y Freeport Street kontinua ta ser un zóna inundadu pa marê (di mar), pamódi redi di rua di kel zóna más pértu konstruídu na Séklu Dizanóvi, duranti tranzison di terenus agríkulu pa zónas urbanu. Stabelesimentu atrazadu di kel sekson ki sta faltaba na rua di Dorchester ta ben rizolve kes fadja fundamental di redi ki ta kauza konjestionamentu di tránsitu y tanbe ta ben konstruiu kapasidadi adisional pa más kresimentu.



### Prusésu

Partisipantis staba priokupadu ku inpaktu ki dizenvolvimentu imobiliáriu pode ten na kondisons di tránsitu y es manifesta interesi na midjoris ligason pa disloka dentu di zóna pê na txon, na bisikléta, y na transpórti públiku.



More safety  
for bike riders  
and walkers  
+1

What thoughts  
are there for  
more frequent  
bus routes?

what about  
traffic on  
Freeport St.

How to  
alleviate  
current  
congestion  
→ future

Transportation comments from March 8, 2017 Open House

# Mobility and Connectivity

## REKUMENDASONS

### 1 Kordena un nóvu redi di ruas y spasus abérta pa distribui tránzitu y rialinha Glover's Corner

Nóvus rua paralélu a Dorchester Avenue ta ben alivia tránzitu na Dorchester Avenue y ta ben kria rótas alternativu pa djuda ilimina konjestionamentu di tránzitu.

### 2 Midjora kruzamentus impurtanti ki dja izisti na Dorchester Avenue

Pa midjora disenhu di kruzamentus, ten ki fazedu más faixa pa vira y ten ki midjoradu linha di vizon. Otus intervension na disenhu debe konsentra na midjora infrastrutura pa kaminhantis y pa bisiklétas.

### 3 Introduzi midjoramentus pa kalma tránzitu na ruas rezidensial y na kruzamentus, midjora kapasidadi di anda pê na txon, midjora asésu a transpórti públiku, kria más oportunidadi pa transpórti ativu.

Na ruas rezidensial, tránzitu di pasaji debe ser limitadu através di medidas pa kalma tránzitu. Kes midida la ta inklui sinalizason, stacionamentu na rua, obstáculos na kruzamentus, ruas más stretu, y tanbe travesias y kruzamentus labantadu.

Pa midjora transpórti públiku, ten ki kriadu nóvus entrada pa paraji di konboiu di Savin Hill y ten ki midjoradu fiabilidadi di sirvisus di otokaru ki dja izisti, inkluidu un pusível faixa di otokaru na ruas di furutu pa liga pasajerus dirétamenti ku Savin Hill.

Midjoramentu di mobilidadi ativu ta konsentra na rizolve kes fadja stratéjiku ki dja izisti na redi di bisikléta, midjora kel infrastrutura di vias di bisikléta ki dja izisti, y midjora kondisons na paseius. Un nóvu redi linear di spasu abérta ta ben konplimenta redi di mobilidadi ativu.






Future street and open space network

### 4 Faze parserias ku otus ajénsia públiku, inkluidu Dipartamentus di Óbras Públiku y di Transpórti, MBTA y MassDOT, na iniciativas na futuru pa midjora mobilidadi nun skala jiográfiku más grandi.

Parserias stratéjiku ku otus dipartamento municipal y ku MBTA ta ben konsentra na midjora operasons di otokarus di skóla y studus futuru sobri mobilidadi nun ária más grandi di Dorchester.

Prósimus pasu imediatu ta inklui: 1. Kriason di un nóvu ligason di entrada di karu pa Dewar Street pa otokarus ki sta bai na sentidu norti, ivitandu Glover's Corner; y 2. Un studu di mobilidadi y spasu públiku pa Mt. Vernon Street y stason di MBTA di JFK/Umass.



# Abitason

## OVERVIEW

### Context

Sítenta y trés purséntu di moradoris di Ária di Studu y di zónas más pértu ta mora na kaza rendadu, purisu stabilitadi di abitason y mudansa forsadu é di kes prinsipal priokupason di prusésu di planiamentu.



### Prusésu

Moradias na bon présu y privenson di mudansa forsadu é kes prinsipal prioridadi duranti prusésu interu.

My fear is...

that there is not enough city land in Glover, so how can we implement developers to create affordable housing.

Youth    Resident    Business Owner    Property Owner  
 City Staff    Non-profit Staff    Developer    Other: \_\_\_\_\_

My hope is...

That this plan will have a significant requirement for affordable units ~~to be required by~~ to be required by market rate developers so that the changes don't directly hurt my neighbors and make the crisis worse

Youth    Resident    Business Owner    Property Owner  
 City Staff    Non-profit Staff    Developer    Other: \_\_\_\_\_

My hope is...

The city aggressively uses its land to cut development costs so that we can have more large-scale affordable housing built with permanent covenants. Hopefully

Youth    Resident    Business Owner    Property Owner  
 City Staff    Non-profit Staff    Developer    Other: \_\_\_\_\_

Anh chị có câu hỏi gì không ...

Why is a family that is earning less than \$46,500 considered low income & not available for home ownership.

Tôi là...  
 một cư dân    chủ doanh nghiệp    khác: \_\_\_\_\_

Comments from Housing Toolkit Workshop



March 29, 2018 Housing Toolkit Workshop



March 29, 2018 Housing Toolkit Workshop

# Abitason REKUMENDASONS

## 1 Uza Terenus Públiku pa ben di Públiku

Dizenvolvimentu imobiliáriu na terenus públiku ta riduzi kustus di terenu, y kel popansa debe ser uzadu pa kria moradias na bon présu y otus binifisiu pa kumanidadi. Boston Pública Schools Resource Center (Séntru di Rikursus di Skólas Pública di Boston) ta reprezenta un oportunidad ideal pa uza terenus públiku ki sta pruveitadu poku pa kria moradias ku ristrison di rendimentu y spasus abérta.



Aerial view of study area showing school resource center site

## 2 Oferese Finansiamentu pa Dizenvolvimentus Imobiliáriu ku un Persentaji Altu di Moradias ku Ristrison di Rendimentu

Finansiamentu adisional di Kámara Municipal pode ser pruveitadu pa apoia prujéts ki ten más moradias na bon présu di ki kel ki ta izijidu y kes ki ten moradias na bon présu pa agregadus familiar di rendimentu baxu (ki ta ganha poku).

## 3 Kria Moradias ku Ristrison di Rendimentu na Konpléksu Rezidensial ki ten Présu di Merkadu

Nes mumentu, zoniamentu ka ta iziji kes dizenvolvimentu imobiliáriu ki ta txomadu as-of-right (kes ki ta kunpri tudu regulamentu di zoniamentu y ka meste ninhun autorizason spesial di Kumison di Planiamentu di Kámara Municipal nen di Konselhu di Nórmas y Rekursus) pa ten ninhun moradia ku ristrison di rendimentu.

Nóvus dizenvolvimentu imobiliáriu na présu di merkadu ta ben izijidu pa es ten más txeu moradia na bon présu y ku nível di asesibilidadi di présu más prufundu, en rilason a pulíтика di Kámara Municipal.

Altura di Prédiu	Current As-of-right Projects	Moradias dentu di Pulíтика di Dizenvolvimentu Imobiliáriu Inkluzivu di PLAN: Glover, komu un persentaji di Moradias Total  Na Lokal AMI = 50% AMI (Rénda)	Moradias dentu di Pulíтика di Dizenvolvimentu Imobiliáriu Inkluzivu di PLAN: Glover, komu un persentaji di Moradias Total, Fóra di Lokal ô komu un kontribuison pa Fundu di IDP= 50% AMI (Rénda)	Ária di Studu di PLAN: Glover  (ta spéra dispuzison di Séntru di Rikursus di Skóla)
Ti 70 pê	N/A (zéru)	13%	15%	Signifikativamenti Más %
Más alto ki 70 pê	N/A (zéru)	15%	17%	Signifikativamenti Más %

# Abitason REKUMENDASONS

## 1 Kunpra Moradias Ki Dja Izisti, pa Proteje Renderus

Finansiamento adisional di Kámara Municipal pode ser pruveitadu pa apoia prujétus ki ten más moradias na bon présu di ki kel ki ta izijidu y kes ki ten moradias na bon présu pa agregadus familiar di rendimento baxu (ki ta ganha poku).

## 2 Adota un pulíтика na sidadi interu, pa midjora rikursus pa renderus ki sta kóre risku di ser obligadu a muda y spandi direitus di renderus, pa riduzi amiasa di mudansa forsadu

Kámara Municipal sta kre ten lejisason ki, pa izénplu, ta da renderus direitu di preferénsia pa kunpra prédu undi ki es ta mora, y asi tra kazas di merkadu spekulativu. Gabinetu di Stabilidadi di abitason di Kámara Municipal ta ben kontinua ta da apoiu jurídiku, finanseru y otus tipu di apoiu pa kes algen ki sta kóre risku di ser obligadu a muda di ses moradia.

## 3 Promove Kónpra di Kaza entri Moradoris di Rendimentu Baxu y Moderadu y Djuda Dónus di Kaza Fika ku ses Kaza

Boston Home Center (BHC) ta ben kontinua ta apoia pesoas ki sta kunpra kaza pa pruméró bés ku idukason y ajuda na pagamentu inisial (entrada). BHC tanbe ta ben djuda dónus di kaza, prinsipalmenti idozus (kes más bédju), na konpu ses kaza, na ivita izekuson di ipotéka, y na rizolve kistons di impostu predial. Inda más, prugramas pilotu sima ADU y prugramas di abitason interjeracional ta ben pirmiti dónus di kaza kria más oportunidaddi di moradias na bon présu.

## 4 Inplimenta Preferénsia di Prezervason di Diversidadi na Zóna (sigla inglés: NDPP) na Dizenvolvimentus Imobiliáriu ki ta Kualifika

Na tenta ekilibra nisisidadis di zónas ku pulíтика di abitason justu, NDPP ta pirmiti kes preferénsia la sô na zónas ki dja ten diversidadi, válido pa sô ti 50 purséntu di moradias nun sorteiu di abitason, y spisifikamenti pa kandidatus ki ta kóre más risku di ser obligadu a muda di ses kaza pamódi auméntu di kustus di abitason.

## 5 Dexa Promotoris Imobiliáriu Kunpri ses Obrigason di IDP atravêis di Kónpra di Moradias ki Dja Izisti


Kazu a kazu, promotoris imobiliáriu ki ta konstrui moradias pa renda na présu di merkadu ta ben dexadu kunpri alguns di ses obrigason di IDP si es kunpra moradias ki dja izisti y transforma-s na moradias ku ristrison di rendimento, na Ária di Konsentrason di Stabilidadi di abitason.

## 6 Insertiva Promotoris Imobiliáriu pa Kria Moradias di Kustu Más Baxu atravêis di Kriason di Unidadis Konpaktu


Kel prugramas pilotu ki txoma Compact Living ta ben djuda Boston konstrui moradias más ben disenhadu y más ben lokalizadu y ménus karu di ki otus moradia novità na présu di merkadu.

## Levels of Risk of Displacement Due to Rising Rents and Risk of Foreclosure

Abitason Ki Ta Renda - 1.095 Abitason




Dónus di Kaza - 405 Abitason



Fonte: US Census Bureau, 2012-2016 American Community Survey estimates, DND Analysis

Low Risk  
Moderate Risk  
Elevated Risk

Sén evalia sirkunstansas di agregadus duméstiku individual, ta fika difisil fla izatamenti kantu aggregadu duméstiku ta kóre risku di muda si kustus di réndas ó di abitason auménta, má nu pode analiza alguns métriku isensial: dadus sobri aggregadus duméstiku ki sta sobrikaregadu pa kustus di abitason, dadus sobri rendiméntus, y un avaliason di kantu aggregadu duméstiku ké dónu di kaza, ten voucher, ó ta mora na abitason limitadu pa rendiméntu.




# Trabadju & Inprézas

## OVERVIEW

### Kontestu

Dorchester é zóna más diversifikadu di Boston y kel-la sta rifletidu na karakteristikas di Dorchester Avenue na Glover's Corner. Pa izénplu, 31% di kes 242 inpréza ki izisti la ten dónu vietnamita, y kel-la ta faze parti di un mistura saudável di inprézas pikinóti ku vaga rilativamenti baxu pa kumérsiu a retalhu.

#### Square Feet Breakdown:



Source: Landwise Advisors 2017

### Prusésu

Partisipantis prioriza prezervason di un koridor komersial ki é karakterizadu pa inprézas pikinóti di dónus lokal, ki ta sirbi zóna, inkluindu kumunidadis di imigrantis.



January 31, 2019 Jobs and Business Deep Dive at Pho Hoa on Dorchester Ave



# Trabadju & Inprézas REKUMENDASONS

## 1 Rikursus di Gabineti di Dizenvolvimentu di Inprézas Pikinóti di Kámara Municipal debe ser konsentradu pa djuda kes inpréza pikinóti ki dja izisti, pa es pripara pa mudansas na futuru y pa es adapta.

Kes rikursu la ta inklui asisténsia tékniku na lokal, pa kria planus di negósiu, negóisia rénda y midjora faxada di lójas, através di subsídius di Kámara Municipal.



Businesses at 1397 Dorchester Ave

## 2 Spasus komersial au longu di koridor debe ser prujetadu pa nisisidadis di inprézas pikinóti lokal

Inprézas lokal nóvu y kes ki dja izisti meste nóvus spasus na bon présu pa kumesa, pa spandi y pa krese: alguns spasu na rés-di-xon di nóvus konstruson debe ser rizervadu pa spasus komersial lokal na bon présu. Ta dadu preferénsia pa faxada di lójas stretu y pikinóti, ki ta fasilita oportunidadi pa inprézas pikinóti y pa inprézas lokal.

## 3 Pa kria nóvus oportunidadi di trabadju, atrai nóvus inpréza y ofere se programas di formason di trabadju na zóna. Moradoris di ária debe dadu kes feraménta ki es ta meste pa ten asésu a planus di karera alén di ikonomia di sirvisus.

Si nóvus inpréza ben pa zóna, un prioridadi é sertifika ma moradoris ten kes abilidadi nisisáriu pa kes trabadju la.

Prujéts ki ta pruveita regulamentus di PLAN: Glover's Corner pa nóvus dizenvolvimentu komersial debe kontribui pa stabelesimentu y funzionamento di séntrus di formason di trabadju lokal, y tanbe programas spesializadu di formason organizadu pa inprézas lokal.



Restaurant at 1236 Dorchester Ave

## 4 Pulítikas na sidadi interu pa djuda apoia y stabiliza inprézas pikinóti inda más

Enbóra ten programas y funzionárius di Kámara Municipal didikadu pa apoia kes renderu rezidencial ki sta kóre risku di ser obligadu a muda di ses kaza, ka ten un redi ekivalenti di apoiu pa inprézas pikinóti. Es planu li ta rekumena pa faze un análisis di opsons ki pode ten pa riforsa pruteson di inprézas pikinóti lokal, sima ekipa di konsultoris di Next Street sujiriba:

Fortalese pruteson di renderus (izénplu: kronograma pa rinvasons, asésu a arbitraji)

Promove Struturas Inovador di Rénda (izénplu: renda pa dipos kunpra, rénda mensal más baxu + % di bénدا)

Promove y da asisténsia pa Stratéjias Inovador di Propriedadi (izénplu: koperativas, insentiva spasus más pikinóti y kondomínius ku spasu pa kumérsiu a retalhu)

Promove otus pulítika inovador (izénplu: insentivus fiskal pa sinhorius ki ta ofere se rénda na bon présu ô ki ta trabadja ku inprézas legadu; pénas pa vagas komersial).




Bakery at 1229 Dorchester Ave


# SPASU ABÉRTU Y RIZISTÉNSIA A KLIMA OVERVIEW

## Kontestu

Enbóra ten dos spasu abérta grandi pérta di Ária di Studu, konektividadi ku es é difísil. Na futuru, mudansa di klima ta ben ten inpaktu na Ária di Studu, prinsipalmenti inundason kauzadu pa tenpural y ilha di calor.



Inundason (txeia) kauzadu pa txuba fórti na futuru pode afeta zonas baxu di Glover's Corner.



## Prusésu

Partisipantis manifesta désdi inísiu ma rizisténsia a klima debe ser inkorporadu djuntu ku tudu kes otu rekumendason. Tanbe es fla ma Ária di Studu ten falta di spasus abérta y ma kes spasu abérta ki dja izisti ka ten asésu fásil.



January 16, 2019 Open Space & Environmental Sustainability Workshop



January 16, 2019 Open Space & Environmental Sustainability Workshop

Small spaces are fine -- bigger spaces (aggregated spaces) are better

North-South green corridor yes!

Also make buildings as energy-efficient, resilient, and non-carbon-powered as possible.

O.S. is great; buildings need to be resilient + energy efficient, too!

Comments from January 16, 2019 Open Space & Environmental Sustainability Workshop

# SPASU ABÉRTU Y RIZISTÉNSIA A KLIMA REKUMENDASONS

## 1 Stabelese un redi of spasus abérta komu un kondison pa dizenvolvimentu imobiliáriu

Un redi di spasus abérta linear debe ser prujetadu pa resebe un mistura di oportunidadis di lazer ativu y pasivu, y mésmu ténpa ki ta liga zóna y kes spasus abérta ki dja izisti, sima McConnell Parki y Ronan Parki.

## 2 Rikizitus di RFP pa terenus públiku debe aborda oportunidadi di kria spasus abérta grandi agregadu

Rikuperason di terenus públiku debe akomoda un proporsion altu di spasus abérta y di moradias ku ristrison di rendimento.

## 3 Spasus abérta debe akomoda inundasons periódiku, y mésmu ténpa mante ligasons inpurtanti

Spasus abérta debe ser prujetadu pa inunda (intxi di águ) duranti tempural fórti y pa dexa águ di txuba skua dipos ki tempural dja pasa. Kel-li ta djuda garantia ruas ka ta fika inundadu y ma es ka ta fika intranzitável (ka ta da pa pasa).

Infrastruturas pa guarda águ di tempural óra ki kai txeu dimás debe fika lokalizadu dibaxu di árias di spasus abérta y, sénpri ki pusível, dibaxu di prédius. Kel redi linear di spasus abérta debe ser prujetadu en parceria ku BWSC pa inkorpora infrastruturas di baxu nível ki ta kapta águ di txuba duranti tempural fórti.

Tudu konstruson ten ki kunpri orientasons di BWSC pa rizisténsia a klima y pa jeston di águ di tempural.



## 4 Amiasas di klima debe ser aliviadu ku spasus abérta y ambienti konstruídu

Nóvus konstruson debe pripa pa riskus di inundason y di calor ki sta asosiadu a mudansa di klima, inkluidu pa es ten infrastruturas inpurtanti pa riba di nível di inundason di bazi, y akomodasons pa abrigu.

Karakterísticas di prujétu di prédius debe konsentra na riutilizason di águ di txuba y otus infrastrutura ekolójiku pa lida ku tempural.

Nóvus spasus abérta y ruas konplétu ta ben kria spasus adisional pa más arvi, y ta ben kria kópas di arvi más fórti pa da sónbra na Ária di Studu y pa riduzi ifeitus di ilha di calor. Superfisis permeável (penetrável) ta ben djuda alivia riskus di inundason kauzadu pa águ di tempural.

Tudu konstruson debe kunpri rekumendasons di Climate Ready Boston, rikizitus di inerja di distritu, y tanbe tudu regulamentu susesivu y tudu regulamentu di zoniamentu ki kriadu pa midjora rizisténsia a klima di zónas di Boston.




# REKUMENDASONS PA DIZENHU DI PRÉDIU

## Prupósta di Rikizitus pa Kubertura di Lótis

Un regulamentu pa Kubertura Másimu di Lótis di 50% ta ben djuda regula kriason di nòvus spasu abértru, ruas y paseius.



### Orientasons pa Dizenhu di Lokal

- Uzus ativu di rés-di-xon y di spasu públiku ta ben djuda kria un nòvu distritu ki é konvidativu pa tudu algen.
- Peluménus 15% di ária di lótí debe ser spasu abértru ki é asesível pa públiku.
- Prédius debe ser disenhadu pa minimiza inpaktus di bento y di sónbra na spasu abértru.



Ilustrason di Kubertura di Lótis

Kubertura di lótí é kuantidadi di spasu ki prédio (amarélu) ta okupa na se lótí.




## Prupósta di Rikizitus pa Spasu Públiku


Rikizitus di setback y di "direitu di pasaji" ta garanti ma ta ten spasu sufisienti pa nòvus rua públiku y pa midjoramentu di ruas ki dja izisti, sima pa izénplu paseius más largu y infrastrutura pa bisikléta.

### Orientason pa Dizenhu di Rua

- Nòvus rua debe sigi orientasons di Ruas Konplétu
- Prujétus debe minimiza curb cuts (ranpas na parapetu di paseiu) na ruas y dexa asésu a veíkulus y a karegamentu pa nòvus prujétu na nòvus rua di sirvisu, y nau na Dorchester Avenue



Example of Linear Park



Example of Residential Street

# REKUMENDASONS PA DIZENHU DI PRÉDIU

## Rikizitus di Altura y di F.A.R.


Limitis di Altura y di FAR é fleksível di prupózitu pa pode insetiva variason y ka insetiva alturas unifórmi.

## Orientasons di Altura di Prédiu y F.A.R.

- Prédios más alto debe ser abrigadu pa prédios más baxu óra ki bu ta djobe-s di árias rezidencial ki dja izisti. Altura di prédios debe ser moduladu pa kria variasons na vista na nível di rua.
- Alturas debe vâria dentu di Zóna 2, má debe ten prédios más alto más pérta di auto-strada pa ladu ésti
- Prédios na Dorchester Avenue debe riforsa streetwall y rialsa karakterísticas prinsipal di rua ki dja izisti.

### Ilustrason di Screening di Altura

Prédios más baxu na rua pode abriga prédios más alto ki ta fika más lonji.



Height and floor area ratio diagram

## Rikizitus di Dizenhu di Massing (perseson di forma jeral y di tamanhu di un prédiu)

Pa mante un skala umanu na nível di rua, setbacks ta garanti ma massing ta fika la más pa trás di streetwall.

## Orientasons pa Massing di Prédius

- Prédios ki ta aprosima di árias rezidencial ki dja izisti ten ki vâria massing pa es pode rilasiona ku skala y karakterísticas atravêis di setbacks.
- Prédios ta insetivadu a ten tramus y otus ilimentu di dimensionamentu pa modula faxada di prédu.
- Streetwalls ka debe ten más ki 300 pê di konprimentu di kualquer faxada.
- Faxadas di prédios ki ta fika di frenti pa Dorchester Avenue debe ser kontinuadu y mante transparénsia di rés-di-xon.

### Ilustrason di Setback

Partis más alto di prédiu ta fika la más pa trás di paseiu.



Setbacks and stepbacks diagram